

# Maak mit! - De Vörmeddag

CC plattolio.de



<p>Du fangst an. Dat is fröh. Du liggst to Puuch un slöppst. Dor pingelt wat.</p>	<p>De Wecker pingelt. Du waakst op.</p>	<p>Du büst waak, kladderst ut dien Bett un treckst den Pyjama ut.</p>	<p>De Pyjama is ut. Du büst in de Baadstuuv un wascht di.</p>	<p>Nu büst du wuschen. Du treckst di an.</p>	<p>Du hest di antrocken un ittst nu dien Fröhstück.</p>
<p>Na dat Fröhstück putzt du dien Tähn.</p>	<p>De Tähn sünd putzt. Nu kannst du Schoh antrecken.</p>	<p>De Schoh alleen reckt nich. De Jack kümmt nu an.</p>	<p>De Jack is an. Du hest dien Schooltasch vergeten! Haal de gau!</p>	<p>Puh, de Schooltasch is dor. Un de Turnbüdel? Gau! De mutt ok noch her!</p>	<p>Mit Schooltasch un Turnbüdel geihst du na de School.</p>
<p>Endlich büst du in de School. Treck de Jack wedder ut un hang ehr an den Haken!</p>	<p>De Jack hangt an den Haken. Du kannst nu in de Klass gahn.</p>	<p>Du büst in de Klass. Sett di op dien Stohl. Dat pingelt.</p>	<p>Dat pingelt, de Stünn geiht los. Du schallst dien Naam an de Tafel schrieven.</p>	<p>De Naam steiht an de Tafel. Du weetst wat, mellst di un hüppst dorbi!</p>	<p>Dat Hüppen hölpt. Nu schallst du luut de Naam vörlesen, de an de Tafel steiht.</p>
<p>De Schooldag is vörbi. Du nimmst dien Soken un geihst na Huus.</p>	<p>Du büst tohuus. Du hölpst bi de Pannkoken un haaltst de Pann ut dat Schapp.</p>	<p>De Pann is in dien Hand. Stell ehr op den Heerd un geev een Klacks Botter rin.</p>	<p>De Botter is smolten. Kipp en beten Deeg in de Pann.</p>	<p>De Deeg in de Pann wart goor. Smiet den Pannkoken so in de Luft, dat he sik dreiht un fang em op.</p>	<p>Du hest den Pannkoken goot opfungen. Nu kann he op en Töller kamen.</p>
<p>Mit den Pannkoken op den Töller settst du di an den Disch.</p>	<p>Goot, dat du an den Disch sitten deist. Nu kannst du den Pannkoken opeten.</p>	<p>Denk di wat ut:</p>	<p>Denk di wat ut:</p>	<p>Denk di wat ut:</p>	<p>Denk di wat ut:</p>